

# Молитвы ко пресвятой Царице Небесной, Приснодеве Марии Богородице

● Под Твое благоутробие прибегаем, Богородице Дево, молитв наших не презри в скорбех, но от бед избави нас, единая чистая и благословенная.

Госпоже, устие мое отверзеши и уста моя возвестят хвалу Твою.

Госпоже моя, в помощь мою вонн. Слава Тебе, сирот Мати, сотвори милостива Вседержителя Бога.

● Богородице Дево! Радуюсь, благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших.

● Милосердия двери отверзи нам, благословенная Богородице, надеющихся на Тя да не погибем, но да избавимся Тобою от бед; Ты бо еси спасение рода христианского.

● Благая Царя благая Мати, Пречистая и Благословенная Богородице Марие, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока прейду и Тобой рай да обрящу, Богородице Дево, единая Чистая и Благословенная.

● Пресвятая Владычице моя Богородице, святыми Твоими и всемогущими мольбами отжени от мене смиренного и окаянного раба Твоего: уныние, забвение, неразумие, нерадение и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех дел злых свободи мя, яко благословенна еси от всех родов, и славится пречестное имя Твое во веки веков. Аминь.

● О, Пресвятая Госпоже, Владычице моя Богородице, Небесная Царице! спаси и избави мя, грешного раба Твоего, от напрасных клевет, от всяких бед и напасти и внезапной смерти. Помилуй мя в дневных часах, и во утренних и вечерних, и во всякое время сохрани мя; стояща, сидяща соблюди, и на всяком пути ходяща, и в nocturnal часах спяща снабди, покрый и заступи. Защити мя, Владычице Богородице, от всех враг моих, видимых и невидимых, и от всякого злого обстояния. На всяком месте и на всякое время буди ми, Мати Преблагая, необоримая стена и крепкое заступление всегда, ныне, и присно, и во веки веков. Аминь.

● К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое примет, аще не Ты, Пренепорочная, надеждо христиан и прибежище нам, грешным? Кто паче Тебе в напасть защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене, грешнаго. Вразуми и научи мя, Царице Небесная; не отступи от мене, раба Твоего, Владычице, за роптание мое, но буди мне Мати и Заступница. Вручаю себе милостивому покрову Твоему: приведи мя, грешнаго, к тихой и безмятежной жизни, да плачуся о гресех моих. К кому бо прибегну повинный: аз, аще не к Тебе, упованию и прибежищу грешных, надеждо на неизреченную милость Твою и щедроты Твоя окрыляем? О Владычице, Царице Небесная! Ты мне упование и прибежище, покров и заступление и помощь. Царице моя Преблагая и скорая Заступнице, покрой Твоим ходатайством моя прегрешения, защити мене от враг видимых и невидимых; умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстями и болезнующему сердцем, едино бо Твое и с Тобою Твоего Сына и Бога нашего имам заступление; и Твоим пречудным заступлением да избавлюся от всякия беды и напасти. О Пренепорочная и Преславная Божия Мати Марие. Темже со упованием глаголю и вопию: радуйся, Благодатная; радуйся, Обрадованная; радуйся, Преблагословенная: Господь с Тобою! Аминь.

● О Пресвятая Дево, Мати Господа вышних Сил, небесе и земли Царице, града и земли наша всемошная Заступнице! Приними хвалебно-благодарственное пение сие от нас, недостойных рабов Твоих, и вознеси молитвы наша к престолу Бога Сына Твоего, да милостив будет неправдам нашим и пробавит благодать Свою чтущим пречестное имя Твое и с верою и любовью поклоняющимся чудотворному образу Твоему; несмы бо достойны от Него помиловани быти; аще не Ты умилостави Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненной и скорой Заступнице нашей: услыши нас, молящихся Тебе, осени нас вседержавным покровом Твоим и испроси у Бога Сына Твоего: пастырям нашим ревность и бдение о душах; градоправителем мудрость и силу; судиям правду и нелицеприятие; наставникам разум и смиренномудрие; супругам любовь и согласие; чадом послушание; обидимым терпение; обидящим страх Божий; скорбящим благодушие; радующимся воздержание и всем нам — дух разума и благочестия, дух милосердия и кротости, дух чистоты и правды. Ей, Госпоже Пресвятая! умилосердись на немощных людей Твоя: разсеянных собери, заблудших на путь правый настави, старость поддержи,

юныя уцеломудри, младенцы воспитай и призри на всех нас  
призрением милостиваго Твоего заступления; воздвигни нас из  
глубины греховныя и просвети сердечныя очеса наши к зрению  
спасения; милостива буди нам zde и тамо, в стране земного  
пришельства, и на страшном суде Сына Твоего; преставльшися  
же в вере и покаянии от жития сего отцы и братию нашу в вечной  
жизни со Ангелы и со всеми святыми жити сотвори; Ты бо еси,  
Госпоже, слава небесных и упование земных, Ты по Бозе наша  
надежда и заступница всех, притекающих к Тебе с верою. К Тебе  
убо молимся и Тебе, яко всемогущей помощнице, самн себе, и  
друг друга, и весь живот наш предаем ныне, и присно, и во веки  
веков. Аминь.

● О Пресвятая Дево, Матн Господа Вышняго, всемлостная  
Заступнице и Покровительнице всех, к Тебе с верою прибегающих!  
Призри с высоты небесныя славы Своя на мя, припадающаго к  
подножю Твоему, услыши смиренную молитву мене, грешнаго и  
недостойнаго раба Твоего, и принеси ю: пред возлюбленнаго Сына  
Свего. О, Преблагословенная Богородице! Ты, именуемая всех  
скоропослушница и скорбящих радости, услыши и мене скорбяга;  
Ты — утоленне печалн, утоли и моя душевныя болезни и печали;  
Ты — купино неопалимая, сохрани мир и всех нас от вредоносных  
огненных стрел вражних; Ты — взыскание погибших, не попусти  
мене погибнути в бездне грехов моих; Ты — целительница  
страждущих, исцели и мене, уязвленнаго от немощей душевных  
и телесных; Ты — нечаянная радости, радости спасения Твоего  
отъемли от мене страх грядущаго мучения; Ты — споручница  
грешных, буди и мне, грешнику, благосердою споручницею  
покаяния и спасения моего. На Тебе по Бозе все мое упование  
возлагаю, буди ми выну неусыпная ходатанца и всесильная  
предстательница пред Сыном Твоим, Господом нашим Иисусом  
Христом, укрепи во мне веру в Него, утверди в любви Его, научи  
мене любить и славить и Тебе, Пресвятую Матерь Божию,  
Преблагословенную Марию: вседержавному покрову Твоему,  
Богородице, вручаю себе на вся веки. Аминь.

● О, Пресвятая Госпоже, Дево Богородице, высшая Херувимов  
и Серафимов и Святейшая всех Святых. К Тебе припадаю и  
усердно молюся, Преблагословенная рода нашего Заступница, в  
странствии сем земном, многоскорбном и многомятежном, не  
лиши мене Твоего заступления и покрова державнаго. Спаси и  
защити мя, Владычице, от разженных стрел лукаваго врага  
спасения нашего. Укрепи немошную волю мою в делании заповедей  
Христовых; умягчи окаменелое сердце мое любовию к Богу и  
ближним моим, даруй им сокрушение сердечное и покаяние  
истинное, да, очищая от скверны греховныя, возмогу принести  
Творцу благоугодные Ему плоды добрых дел и сподобиться  
мирных христианския кончины и ответа праваго на страшнем и

иелнцеприятием суде Его. Ей, Госпоже всемилостивая, в час грозный смертный инапаче яви мне Твое многомошное заступление, ускори тогда на помощь мне, беспомошному, и держарною рукою Твоею исхити мя из власти лютаго миродержца: воистину бо много может молитва Твоя пред лицом Господа и ничтоже невозможно ходатайству Твоему, аще токмо восхощеши. Темже, на святыи образ Твой умиленно взирая и пред Ним, яко живей Ти с нами сущей, покланяяся с упованием благим, сам себе и весь живот мой Тебе по Бозе молитвенно предаю и Тя величаю с рождшимся от Тебе Спасителем нашым, Господом Иисусом Христом, Емуже со безначальным Его Отцем и Пресвятым Духом подобает всякая слава, честь и поклонение, ныне и присно, и во веки веков. Аминь.

● Царице моя Преблагая, надеждо моя Пресвятая, прнятилище сирым и странным заступнице, бедствующим помощи и озлобляемым покрове! Зриши мою напасть, зриши мою скорбь, отвсюду искушением одержим есмь, а заступающаго несть. Ты убо Сама, Владычице, помози ми, яко немощну; окорми мя, яко странна; настави, яко заблудша; уврачуй и спаси, яко безнадежна. Не имам бо иная помощи, ни инаго предстательства, ни утешения, токмо Тебе, о, Боголюбивая Мати всех скорбящих и обремененных! Призри убо на мя, грешнаго и во озлоблении сущаго, и покрый мя пресвятым омофором Твоим, да избавлен буду от всех зол, мя обышедших, и восхвалю выну препетое имя Твое. Аминь.

● Богорадованная Владычице, препроолавленная Мати щедрот и человеколюбия, всемилостивая о всем мире Ходатанце, прилежно раби твои, к Твоему Божественному предстательству прибегающе и пречудному образу Твоему со умилением припадающе, молимся: молитву теплую Сыну Твоему и Богу нашему сотвори, о, Всепетая Царице и Владычице, да всяких болезней и печалей нас Тебе ради избавить и от грехов всяких свободить, царствия Своего небеснаго наследники ны покажет; велне бо и неизреченное, яко Мати, имаши дерзновение к Нему и вся можеш, елика восхощеши, едина во веки Благая и Благословенная. Аминь.

● Заступнице усердная, благоутробная Господа Мати! К Тебе прибегаю аз, окаянный и паче всех человек грешнейший: вонми гласу моления моего, и вопль мой и стенание услыши. Яко беззакония моя превзыдоша главу мою и аз, якоже корабль в пучине, погружаюсь в мори грехов моих. Но Ты, Всеблагая и Милосердая Владычице, не презри мене, отчаяннаго и во всех гресех погибающаго; помилуй мя, кающагося во злых делах моих, и обрати на путь правый заблудшую окаянную душу мою. На Тебе, Владычице моя Богородице, возлагаю все упование мое. Ты, Мати Божия, сохрани и соблюди мя под кровом Твоим, ныне, и присно, и во веки веков. Аминь.